

შემოსავლების სამსახური



ელექტრონული ტენდერის
დოკუმენტაცია

კვლევითი ლაბორატორიის მომსახურების
სახელმწიფო შესყიდვის შესახებ

ქ. თბილისი
2018 წელი

2. ტექნიკური დოკუმენტაცია

2.1 შესყიდვის ობიექტია:

2.1.1 არაცხოველური წარმოშობის სურსათში მიკრობიოლოგიური კვლევის - სალმონელას განსაზღვრის ლაბორატორიული კვლევა, რომელიც სავალდებულოა განხორციელდეს დასავლეთ საქართველოს ტერიტორიაზე;

2.1.2. ლაბორატორიული კვლევისათვის წარდგენილი ნიმუშების ტესტირება (გამოცდა) უნდა ჩატარდეს საქართველოში მოქმედი ნორმატიული ბაზის შესაბამისად;

2.1.3. ასევე შესაძლებელია კვლევები ჩატარდეს საერთაშორისო სტანდარტების შესაბამისად;

2.1.4. თუ მოცემულ პროდუქციაზე არსებობს ცალკე ტექნიკური რეგლამენტი ამ შემთხვევაში გათვალისწინებული უნდა იქნეს ამ ტექნიკური რეგლამენტის მოთხოვნებიც;

2.1.5. ლაბორატორიამ უნდა უზრუნველყოს ნიმუშის მაჩვენებლების გამოცდა ცხრილში მითითებულ ვადებში და ფასებში, ხელშეკრულების გაფორმებიდან 2019 წლის 31 დეკემბრის ჩათვლით. ამასთან, თითოეული კვლევის შესრულების ვადა არ უნდა აღემატებოდეს 5 კალენდარულ დღეს.

2.1.6. სავალდებულოა კვლევები განხორციელდეს მომწოდებლის სარგებლობაში არსებულ ლაბორატორიაში;

2.1.7. ლაბორატორიული გამოცდის მიზნით აღებული სურსათის ნიმუში ლაბორატორიას გადაეცემა შემსყიდველის უფლებამოსილი თანამშრომელის მიერ მიმართვით. შემსყიდველი მიმწოდებელს აუნაზღაურებს მხოლოდ მიმართვაში ასახული და ჩატარებული კვლევის ღირებულებას. საჭიროების შემთხვევაში მიმწოდებელმა უნდა უზრუნველყოს შემოსავლების სამსახურის შესაბამისი სტრუქტურული ერთეულის ხელმძღვანელის ან ნიმუშის/სინჯის ამღები უფლებამოსილი თანამშრომლის დაუყოვნებელი ინფორმირება (სატელეფონო შეტყობინებით ან ფაქსით) ნიმუშის/სინჯის გამოცდის შედეგების შესახებ, ხოლო გამოცდის ოქმი (სათანადო ნორმატიული აქტით დადგენილი შინაარსითა და ფორმით) უნდა გაუზიაროს შემსყიდველს წერილობით (შესაძლებელია ელექტრონული ფოსტის საშუალებით), კვლევის დასრულებიდან 48 საათის განმავლობაში. თუ აღნიშნული 48 საათიანი ვადის ამოწურვა ემთხვევა არასამუშაო დღეს, გამოცდის ოქმი (სათანადო ნორმატიული აქტით დადგენილი შინაარსითა და ფორმით) უნდა გაეზიაროს შემსყიდველს ვადის ამოწურვიდან პირველივე სამუშაო დღეს. ანგარიშსწორების მიზნებისათვის, მიმწოდებელი ვალდებულია თავისი ხელმოწერითა და ბეჭდით დადასტურებული გამოცდის ოქმის ორიგინალი და მიმართვა ინვოისთან ერთად წარადგინოს შემსყიდველთან ყოველი საანგარიშო თვის მომდევნო თვის 10 რიცხვამდე.

2.1.8. ლაბორატორიამ უნდა უზრუნველყოს აკრედიტაციის პასპორტის შესაბამისი ფორმის მიხედვით ჩატარებული ტექნიკური ოპერაციის, თითოეული გამოცდა-ანალიზის, საანალიზო ნიმუშების გამოცდის ოქმების, გრაფიკების, გაზომვების, ცხრილების, ნახაზების, მიღებული პასუხების, ინსტრუმენტალური კვლევის შედეგების, შენახვა და დაცვა პირადი პასუხისმგებლობის ქვეშ და წარმოადგინონ ისინი მოთხოვნის შემთხვევაში.

2.2. პრეტენდენტის მიერ სისტემაში სავალდებულოდ ასატვირთი დოკუმენტებია:

2.2.1 პრეტენდენტებმა უნდა წარმოადგინოს სატენდერო წინადადების ფასი, ფასების ცხრილი და მომსახურების ვადა დანართი №1-ის მიხედვით, სატენდერო დოკუმენტაციის „2.2.1.“ პუნქტის მოთხოვნათა გათვალისწინებით;

2.2.2 ინფორმაცია სატენდერო დოკუმენტაციის დანართი №1-ში მოცემული კვლევების ჩამონათვალის შესრულების შესაძლებლობის შესახებ (მითითებული უნდა იქნას აღნიშნული კვლევა სრულდება თუ არა პრეტენდენტის სარგებლობაში არსებულ ლაბორატორიებში);

2.2.3 აკრედიტაციის მოწმობა (ნოტარიულად დამოწმებული ასლი);

2.2.4 აკრედიტაციის სფეროს ის ნაწილი, (ნოტარიულად ან აკრედიტაციის ცენტრის მიერ დამოწმებული ასლი), რომელითაც დასტურდება, რომ პრეტენდენტს შეუძლია მოცემულ ტენდერში განსაზღვრული გამოსაკვლევი მაჩვენებლების ტესტირება;

2.2.5 ინფორმაცია პრეტენდენტის სარგებლობაში არსებული კვლევითი ლაბორატორიის ტერიტორიული მდებარეობისა და ფაქტიური მისამართის შესახებ;

2.2.6 სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).